

Mga Pagsulay Panahon sa Pandemya

By: Ma. Ivy B. Berame

Tataw pamalundongon nga kita karon nagsagubang sa dakong suliranon

Hinaot kitang mga tawo magpabiling masinubtanon;

Tambag sa atong pagagamhanan ato untang sundon sa tarong,

Dili magpagahi-ay para sa kinaugalingong kalipay para kini mahunong.

Gutom ug krisis tungod sa kawad-on

Panginabuhian daghang nahunong;

Nagkaguliyang mga katawhan,

Dunay uban sa panghunahuna nawagtangan.

Bisan paman sa bag-ong normal nga giimplementar karon

Mga tawo nagkulang gihapon sa disiplina sa ilang kaugalingon;

Pasangil ngadto, pasangil ngari,

Mangitag lusot bisag nasakpan na si kuya ug ate.

Padayon pa ba kita sa gipangandoy natong kalampusan?

Nga kining tanan naay katapusan;

Pagsunod sa balaod ug tim-os nga pangamuyo sa kahitas-an,

Kining mga pagsulay panahon sa pandemya hingpit nang matuldukan.

[#pandemya](#) [#bisayangbalakpamalandong](#)